



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Traditiones hominum quae sunt? Cap. LII.

urn:nbn:de:hbz:466:1-30114

prudētia manus inimicorum suorum euasit in Cæsarea, appellādo Cæsarem. Imō, ipse doctor & magister gentiū *Act. 25.* in fide & veritate, leges gentium allegat, dicens: Fratres, scē *Galat. 3.* cundum hominem dico: Hominis confirmatum testamētum nemo spernit aut superordinat &c. Sed & Colloſſen *Col. 2.* laudat eccleſiam, quam nunquam corā viderat, sed spiritu cum eis existens, gaudet: videns ordinem eorum, & fir- mamentum fidei Christi, quæ in eis fuit. Insuper, si homi- nes decreta & traditiones bonas facere non possunt, nulla iusticia conseruari, nullū regnum, nullā ciuitas pacificē regi potest. Quod prorsus insanum est & extreme demen- tia, vel cogitare: & verbo Dei aduersatur manifestē. Per me, inquit aterna sapientia, reges regnant, & legum con- *Prou. 8.* ditores iusta decernunt. Per me principes imperant, & po- tentes decernunt iusticiam. Idipsum in euangelio Chri- stus confirmans ait: Qui dixerit fratri suo Racha, reus erit *Matt. 5.* concilio. Et quid est reum esse concilio, nisi, q̄ potestate *Hest. 1.* præditi & sapientes, qui sciunt iura maiorum, in isto casu conuocari debent, & consultare, qua pœna plectendus sit, qui tali nota aut sono charitatem fraternam vel læsit vel fregit? Hoc nulla via liceret, si in potestate constituti, nul- lam sancienti traditiones & statuta, haberent potestatem, qua iniquorum refrenaretur audacia, insolentia & mali- cia, pax cōseruaretur, vt tuta esset inter malos innocentia.

Traditiones hominum quæ sunt? Cap. LII.

Quid igitur virtus & sapientia patris, Christus Iesus **A** voluit, quando traditiones & præcepta hominum *1. Cor. 1.* damnauit? Apostolorum Satanæ mendacia, hæreticorum *Matt. 15.* pestilentium peruersa dogmata, tyrannorum, iniustorum *Rom. 7.* iudicum iniusta decreta, fascinatorum technas, cæcorum ducum vafra statuta, seductorum imposturæ, auponan- tium, & scripturas deprauantium insanias falsas. Et breui-

M 3, ter

ter, quicquid ad veritatis impugnationē, fidei subuersionem, morū corruptionem, hoīm seductionem, pietatis arrogationē, pacis turbationē, salutis operande, promouendæ & augendæ impeditiōne, honoris item diuini immutationem vel pessundationem, ordinatur, statuitur, precipitur, scribitur & docetur. Hoc maxime faciunt hæretici & quotquot eorum fermento sunt corrupti: In caput vestrū fabam hanc cudi stis hæretici: Vos verbis istis designati estis: Sicut sorex sono oris sui perit: In laqueo quē parastis alijs, comprehensi estis: Os vestrum vos condemnat: In foueam quam fodistis nobis, incidistis.

Psal. 7.

Eccl. 9.

Iob. 17.

Esai. 29.

Matt. 15.

Philip. 2.

Esai. 10.

Exod. 1.

Psal. 51.

B Et hunc esse verū verborum Christi intellectū, ex aperto textu colligitur. Nam traditiones quas Esaias & Christus damnant, subditicia, falsæ, impiæ & damnabiles erant expositiones scribarum & pharisæorū, genuinum & germanum scripturæ intellectū auferentes, & falsum verborū dei cōtrarium substituētes: Nam per istas technas, dolos & imposturas, adulterabāt verbū Dei, scripturas deprauabant, quæ suæ sunt, non quæ aliorum aut Iesu Christi, quærebant, honorem, subuentionem & consolationē parentibus debitam, & mandatam à deo, (vt eo loci taxat saluator) eis subtrahebant, & ad seipsos trahebant.

C Eius farinæ & generis etiā sunt constitutiones, decreta, & mandata, omnium potestate præditorum, quæ ad oppressionem, expoliationem, depilationemq; subditorum fiunt: Quibus nouas & iniustas exactiones imponūt quos nouis seruitijs grauāt, nouis & assiduīs laboribus premūt, vt Pharaō filios Israël. De quibus per Esaiam dicitur: Vt qui condunt leges iniquas, & scribentes iniusticias scripserunt vt opprimerent in iudicio pauperes, & vim facerent causæ humilium populi mei, vt essent viduæ præda eorū, & pupillos diriperent. Sed plerūq; callidè sic pauperes opprimunt: & sicut nouacula acuta, dolos suos faciunt: Nam iniu-

iniusticias suas fudis & phaleris excogitatis palliunt: At
 Deus non irridetur. Ille nouit decipientem, & illum qui Galat. 6.
 decipitur. Ille prospicit quando tempus venit: quando Iob 12.
 conuertit dolum cordis eius: & dolorem quē fecit egenis, Psal. 36.
 orphanis, pupillis & viduis: In caput eius, & in verticem Psal. 7.
 iniquitas eius descendet. Tunc panis eius quem iniuste
 acquisiuit, in vtero eius vertetur in fel aspidum intrinse-
 cus: Tunc diuitias quas deuorauit, euomet: & de ventre il Iob 20.
 lius extrahet eas Deus. Tunc recipiet quæ fecit omnia, nec
 tamen consumeretur. De dolis eorum etiam Hier. ait: In Hier. 5.
 uenti sunt in populo impij, insidiantes quasi aucupes, po-
 nentes laqueos & pedicæ ad capiendas animas & viros. Si-
 cut decipula plena auibus, sic domus eorum plene sunt do-
 lo. Sic isti pharisæi fecerunt, quos hic Christus arguit, va-
 fritia sua torquebant ad nothum sensum scripturas & pro-
 prium commodum. Et in hoc eos imitantur omnes hære- Sap. 2.
 tici, qui sunt ex parte eorum, & cum eis in eadem damna-
 tione, nequitia & malignitate. Pacificè quidem loquun- Psal. 34.
 tur, sed in iracundia terræ loquentes, dolos cogitant. Et
 rursus: Qui inquirebant mala mihi: locuti sunt vanitates, Psal. 37.
 & dolos tota die meditabantur. Verum, si iuxta consilium
 iusti regis Iosaphat, viderent quid facerent, & timor Dei 2. Par. 19.
 esset cum eis, & quod omnia quæ faciunt in caput eorum
 recidunt: utiq; à iudicijs Dei timerent, & quod sibi fieri
 nollent, alijs non facerent, sed uti vellent, quod sibi ho- Tob. 4.
 mines facerent, eo modo facerent omnibus, sine vlla per- Matt. 7.
 sonarum acceptione, tunc hæretici si scripturas non de- Luc. 6.
 praurent, sed omnes tum exemplis, tum doctrina ædi-
 ficarent, domino lucrarentur & saluarent in regnum 1. Cor. 10.
 Dei. Iacob. 5.

Traditiones bonæ, piæ & sanctæ sunt seruandæ.

Caput LIII.

Quæ